

ՈՐՈՒՇԻ ԽՆԴԻՐԸ ԺԱՆ ՊՈԼ ՍԱՐՏՐԻ «ԴՈՒՓԱԿ» ՊԵՏՈՒՄ

Ժան Պոլ Սարտրը, ուսումնասիրելով մարդու և բնության, անհատի և հասարակության, ազատության և անհրաժեշտի դիալեկտիկ, հակադրական կապը, ներկայացնում է դրանց մասին իր կատարած վերլուծությունները ոչ միայն իր փիլիսոփայական հայացքներում, այլև ստեղծագործական ողջ համակարգում:

Այս աշխատանքում կներկայացնենք Սարտրի «Դուսփակ» պիեսում արտացոլված ուրիշի խնդրի վերաբերյալ սարտրյան մոտեցումները՝ զուգահեռ տանելով հեղինակի փիլիսոփայական դիտարկումների հետ, որոնք նա ներկայացրել է «Գոյություն և ոչինչ» փիլիսոփայական աշխատանքում:

Սարտրը, լինելով էրզիստենցիալիստական շարժման ներկայացուցիչներից մեկը, իր «Գոյություն և ոչինչ» գրքում մարդու գոյության խնդիրների, մարդկային էս-ի ուսումնասիրմանը զուգահեռ անդրադառնում է նաև ուրիշի խնդրին: Այս գրքում Սարտրը ընդգծում է երկու մեկը մյուսին չհանգող գոյության միջոցներ՝ «գոյություն իր մեջ» և «գոյություն իր համար»: Առաջին գոյությունը «այն է, ինչ որ կա», այսինքն՝ ուրիշը լինելու անկարողությունը: Այն ճանաչվում է որպես առարկայական աշխարհ, որպես բնություն, որպես արտաքին գիտակցական իրադրության գումար, նաև որպես մարդու անցյալ, արդեն եղած, որը հնարավոր չէ դարձնել չեղած: Երկրորդը գոյություն է, որը մենք ճանաչում ենք ըստ մարդկային գոյության յուրահատկության՝ բացասման, զղջման և այլնի: Այդ միջոցը հայտնաբերում է անբավարարությունը, մարդու ոչ նույնականությունը իր ներսում: Նմանատիպ գոյությունը «այն է, ինչ այն չկա, և այն չէ, ինչ այն կա»: Դրանով նմատիպ գոյության հիմնական բովանդակությունը բացասումն է, որը հնարավոր է, եթե նրա ոչ նույնականության իմաստը ոչինչն է, դատարկությունը, բացակայությունը: Գոյություն ունենալով ոչնչից այն չի սահմանվում ոչ ուրիշ գոյությամբ, ոչ ինքն իրենով և այդ պատճառով համընդհանուր ձևով ազատ է, հայտնաբերվում է որպես ինքն իր մշտական, անընդհատ ընտրություն, որպես ինքն իր գերազանցում ու տրանսցենդենտություն (իմացությանը անմատչելի): «Իր համար գոյությունը» չի ընտրում աշխարհը, որտեղ որ նա կա, այսինքն՝ ազատության իրականացման պայմանները: Մակայն այն պատասխանատու է այն մտքի համար, որը տալիս է այդ փաստերի գումարին կյանքի նշանակալից տեղ կոնկրետ իրավիճակում: Մարդը իր անցյալն է, բայց նա էրզիստենցիալ է, քանի որ պրոեկցում է իրեն ապագայում, որը չկա որպես պոզիտիվ գոյություն, բայց


որը կազմավորում է իր համար գոյության հորիզոնը, որ հայտնաբերում է իրեն սահմանից այն կողմ: Ապագան փնտրելու առարկա է, մարմնացում: Այն խայծ է էքզիստենցիայի համար, որ նրա ետևից ձգվում է այն բռնելու անհույս փորձի մեջ ու հենց դրանով իրականացնելու իր հնարավորությունները, որոնք այն դրանց իրագործմանը զուգընթաց մի կողմ է նետում՝ որպես ինչ-որ օտար բան, որը չի համապատասխանում իրեն: Մարտըրը քննադատում է մարդու փորձը ձուլվել այն բանի հետ, ինչ նա դառել է, ձգտման հետ վերստեղծել իր անցյալը ներկայի, «իր համար գոյությունը» «իր մեջ գոյության»: Նմանատիպ փորձի ըստ Մարտրի կարելի է հանդիպել կրոնում, գեղարվեստական ստեղծագործության մեջ և ուրիշների հետ հարաբերություններում: Նա իր կատարած դիտարկումներում բացառում է ուրիշի աշխարհ մուտք գործելու հնարավորությունը: Մարդը չի կարող մտնել ուրիշի ես-ի մեջ, հետևաբար չի կարող իր միջով տանել նրան: Սակայն մեկի գոյությունը պայմանավորված է ուրիշի գոյությամբ, քանզի մարդն իրեն գիտակցում է որպես օբյեկտ կամ գոյ, երբ ուրիշն է նայում նրան: Ուրիշի օգնությամբ մարդը ճանաչում է ինքն իրեն, ավելին, հաստատում է իր գոյությունը:

Ուրիշի խնդրի վերաբերյալ Մարտրի հայացքները իրենց գեղարվեստական արտացոլումն են գտել «Դոնփակ» պիեսում, որի գործողությունները տեղի են ունենում դժոխքում: Ստեղծագործությունն սկսվում է այսպես. վախճանությունից դասալիք դարձած Գարսենը հայտնվում է դժոխքում: Բայց այստեղ չկան դժոխքի մասին դասական պատկերացումները՝ եռացող կաթսաներ, ցցեր, կրակ, դահիճ և այլն: Նա հայտնվում է երկրորդ կայսրության ոճով կահավորված մի սենյակում և տարակուսում է. եթե սա է դժոխքը, ապա այն բոլորովին էլ վատը չէ: Սակայն սենյակը համալրվում է երկու մեղսուհակ կանանցով ևս, և նրանց փոխհարաբերությունների արդյունքում սկսվում է իսկական դժոխքը: Մարտրի «Դոնփակ» պիեսի երեք հերոսների համար դժոխքը առաջին հայացքից միանգամայն հաճելի, հարմարավետ ու անվնաս է թվում: Սակայն որոշ ժամանակ անց միասին անցկացնելուց հետո, նրանք հասկանում ու գիտակցում են իրենց անելանելի բարդ դրությունը: Մարտրյան հերոսներից յուրաքանչյուրը գործողությունների ծավալման ընթացքում բայլ առ բայլ գիտակցում է, որ իրենց մարդկային գոյությունը կախված է դիմացինի հայացքից, որում արտացոլվում է իրենց ներքին իսկական ես-ը: Եվ եթե նույնիսկ նրանք փորձեն իրենք իրենցից թաքցնել իրենց ներաշխարհի գաղտնիքները, իրենց իսկ համար անցանկանալի սեփական զգազողություններն ու իրենց բուն էությունը, միևնույն է, ինքնախաբեությունը երկար չէր տևի և շատ շուտով կփլուզվեր, քանի որ ուրիշի ճշմարտախոս հայացքը թաքցնելը ուղղակի

անհնար է: Եվ ահա հենց ուրիշի հայացքից բղավող, երբևէ չլող ու ամենուր իրենց հետևող սեփական ես-ի մեջ պարփակված երբեմնի զգացողություններն ու ապրումներն էլ հենց ստեղծում են դժոխքը: Գործողությունների ծավալման ընթացքում պարզվում է, որ նրանց հայտնվելն ու մնալը դժոխքում ինքնակամ է, քանի որ ուրիշի հայացքը, որքան էլ որ ցավ պատճառի և անհանար ու անտանելի դարձնի իրենց գոյությունը, միևնույն է, ուրիշը իրենց գոյության միակ միջնոցն է, ուրիշի գոյությունը միակ անհրաժեշտ պայմանն է ես-ի գոյության: Հեղինակը ցույց է տալիս, որ միայնակ, առանց ուրիշների հերոսների կյանքը դժոխքում միանգամայն անհոգ ու հանգիստ կանցներ, սակայն մարդուն, բացի ներքին հանգստությունից, անհրաժեշտ է նաև իր ներքին ես-ի գիտակցում, այդ ես-ի գնահատում և ճանաչում ուրիշի կողմից: Սակայն հեղինակը ցույց է տալիս, որ հենց նման իրավիճակն ու մարդու ներքին ես-ի արտացոլումը ուրիշի աչքերում իսկական դժոխքի են վերածում ստեղծագործության հերոսների կյանքը: Պետք է նաև նկատի ունենանք այն հանգամանքը, որ գրողի կողմից դժոխքի նկարագրությունը և այս հերոսների ընտրությունը փոխաբերական նշանակություն ունի և ներկայացնում է ընդհանրապես մարդկային կյանքի և մարդկային համընդհանուր փոխհարաբերությունների արտացոլումը: Պատահական չէ, որ սարտյան դժոխքում չկա հայելի, այսինքն ստեղծագործության հերոսներից յուրաքանչյուրն իրեն տեսնում է մյուսի աչքերում, և առաջին ցավը, որ նրանք ապրում են, սեփական ես-ի, ղեմքի կորուստն է ուրիշի աչքերում: Ուրիշի հայացքը խլում է ինձանից ինձ: Այն պահանջում է ինձանից լինել մեկը, համապատասխանել նրան, ինչպես ըմբռնում է ինձ ուրիշը:

Այսպիսով, յուրաքանչյուրը մյուսի կարիքն ունի, և այդ շրջապատույթը հավերժ է: Առանց ուրիշի մարդկային կյանքը դառնում է անիմաստ. միայնակ մարդը միշտ կարիք ունի մեկ ուրիշի գոյությանը իր կողքին, իր համար, չնայած որ ուրիշի գոյությունն էլ հենց դժոխքի է վերածում նրա կյանքը: Բայց պետք է նկատի ունենալ, որ նման մոտեցումը փոխադարձ է ու փոխկապակցված, որքան ես ուրիշի կարիքն ունեմ, նույնքան նա ունի իմ գոյության կարիքը իր համար:

Ըստ Մարտրի ուրիշների փոխհարաբերություններն ի հայտ են գալիս միայն կոնֆլիկտի առկայության դեպքում: Չնայած որ մարդուն սեփական գոյության համար անհրաժեշտ է ուրիշի գոյությունը, սակայն ուրիշի գոյությունը խլում է ինձնից իմ ազատությունը, և մարդը փորձ է անում ազատվել իր համար այնքան անհրաժեշտ, բայց նաև իր ազատությունը սահմանափակող ուրիշից: Եվ ուրիշը ևս զգում է իմ գոյության անհրաժեշտությունը և միևնույն ժամանակ իր ազատությունը սահմանափակող իմ



գոյությունից ազատվելու ցանկությունը: Մա նշանակում է, որ երբ ես փորձում եմ ազատվել ուրիշի ազդեցությունից, ուրիշն էլ փորձում է իմ ազդեցությունից դուրս գալ, երբ ես ուրիշին ենթարկում եմ ինձ, ես նույնպես ենթարկվում եմ նրան: *Ես-ուրիշը* փոխհարաբերության այդ շրջապատույտը դառնում է եկկոդմանի: Մարդկանց փոխհարաբերություններն աղավաղված են, արատավոր, ապա սեփական արարքը ուրիշի աչքերով դիտելու, ուրիշի մեկնաբանությամբ դատելու անխուսափելի հանգամանքը դժոխքի է վերածում նրանց ապրելակերպը: Իմ ազատությամբ ես սահմանափակում եմ ուրիշի ազատությունը, սակայն ուրիշի ազատությունն իմ գոյության հիմքն է: Ես գոյություն ունեմ ուրիշի ազատության հաշվին, ուստի ես կախված եմ ուրիշից, և այս առումով իմ կյանքն ապահովագրված չէ: Այդ ազատությունից ինձ ամեն վայրկյան վտանգ է սպառնում, այն ամկախում է իմ գոյությունը և ստիպում ինձ ապրել: Իմ գոյությունն ինքս ունեեալու, տնօրինելու համար պետք է խլեմ ուրիշի ազատությունը: Ուրիշի հայացքից ես այլևս չեմ տիրապետում իրավիճակին: Մարտը գրում է. «Ինձ տիրանում է ուրիշը, ուրիշի հայացքը ձևակերպում է իմ մարմինը իր մերկության մեջ, ծնում է այն, քանդակում, արտադրում է այն այնպես, ինչպես որ կա, տեսնում է այն այնպիսին, ինչպես ես երբեք չեմ տեսնի: Ուրիշը պահպանում է գաղտնիքը, այն բանի գաղտնիքը, թե ով եմ ես»¹([2], c. 380): Սակայն լինելով ազատ գոյ մարդը չի կարող հանգիստ վերաբերել իր ազատության օտարմանը ուրիշի կողմից: Մինևույն ժամանակ ուրիշը հետաքրքրված է իմ ազատության պահպանման մեջ, քանի որ համակելով ինձ որպես որոշակիություն՝ նա կորցնում է ինձ որպես մի ուրիշ իրեն, իսկ նա զանձում է հեկց դա: Մարտի փիլիսոփայության համաձայն, քանի որ ես ձգտում եմ վերադարձնել իմ ազատությունը, ապա հնարավոր են երկու տեսակի հարաբերություններ ուրիշի հետ: Մի կողմից ես կարող եմ փորձել ձուլել ուրիշի գոյությունը իմ գոյությանը այնպես, որ նա չտարբերակվի ինձնից. այդ ժամանակ նրա հայացքը կդառնա նաև իմ հայացքը: Մյուս կողմից ես կարող եմ լիովին ոչնչացնել ուրիշի սուբյեկտիվությունը, վերածել նրան օբյեկտի, որը չի կարող ունենալ հայացք, որը կօտարացներ իմ ազատությունը: Մարտը ցույց է տալիս, որ տվյալ դեպքում ուրիշի օբյեկտիվացումը անհնար է. «Ուրիշը ոչ մի դեպքում մեզ տրված չէ որպես օբյեկտ»²([2], c. 291): Խնդիրը ավելի է բարդանում, երբ խոսքը գնում է սիրո մասին: Ըստ հեղինակի դիտարկումների սիրող մարդը ձգտում է նրան, որ իրեն սիրեն: Սակայն մինևույն ժամանակ նա ցանկանում է, որ իր սիրեն

¹ Այս և մյուս մեջբերումները կտրվեն ըստ գրականության ցանկի համարների տեքստում փակագծերի մեջ նշելով համապատասխան էջը:

ազատության միջոցով, ոչ թե ստիպողաբար: Հենց աստեղ էլ առաջանում է առաջին հակադրությունը. Քանի որ ես ուզում եմ, որ ուրիշը ինձ անընդհատ սիրի, հետևաբար ես նեղացնում եմ ուրիշի ազատության սահմանները: Սա կոնֆլիկտի առաջին աղբյուրն է: Բայց սիրո ցանկությունը հակադրական է նաև այլ տեսանկյունից: Երբ ես ուզում եմ, որ ուրիշը ինձ սիրի, այդ ժամանակ ես ուզում եմ նաև, որ ուրիշը ցանկանա, որ ես նրան սիրեմ: Երբ ես ուրիշից սեր եմ պահանջում, հենց դրանով ցանկանում եմ, որ նրա մոտ էլ իմ ցանկությունը ասիմիլացիայի ենթարկելու ցանկություն առաջանա: Սա էլ կոնֆլիկտի հաջորդ աղբյուրն է: Սաբաթը եզրակացություն է անում, որ այստեղ բախվում են երկու հակադիր և փոխկապակցված ցանկություններ, որոնք անհաջողության են մատնված: Սիրո մեջ կարող են հասնել մեկ մարմնի, բայց գիտակցությունը կմնա անձեռնմխելի իր ազատության մեջ, մինչդեռ սիրո իմաստը Սաբաթի կարծիքով հենց ուրիշի գիտակցության ներձուկումն է որպես նրա ազատության գոյություն: Քանի դեռ ուրիշը ունի ազատ գիտակցություն (ես ուզում եմ, որ նա ունենա այդպիսի գիտակցություն), նա մնում է օտար ինձ համար, քանի որ իր օբյեկտիվացնող հայացքով նա խլում է իմ ազատությունը: Նշանակում է, որ սիրո մեջ ես չեմ կարող ուրիշի ազատությունը ենթարկել ինձ և դրանով լուծել իմ լիարժեք ազատության ձեռքբերման խնդիրը:

Ուրիշի օբյեկտիվացումը իմ գոյության պաշտպանությունն է, որն էլ հենց ազատում է ինձ ուրիշի համար գոյությունից ուրիշին տալով գոյություն ինձ համար: Սաբաթը ցույց է տալիս, որ հայացքի ֆենոմենում ուրիշը նա է, ով չի կարող օբյեկտ լինել: Սա է պատճառը, որ այն սենյակում, ուր ընկնում են «Դոնփակ» պիեսի հերոսները, հայելիներ չկան: Հերոսները իրենց տեսնում են միայն ուրիշի հայացքի միջոցով: Այսպիսով, ուրիշը ինձ համար գոյություն է, որի համար ես օբյեկտ եմ: Հայացքի միջոցով ես ուրիշին զգում եմ որպես ազատ և գիտակցող սուբյեկտ: Եվ այդ սուբյեկտի ներկայությունն անհրաժեշտ պայման է ամեն մի մտքի, որը ես կփորձեի ձևակերպել իմ մասին. «Ուրիշները իմ հարաբերությամբ ներկա են առանց որևէ միջնորդի որպես տրանսցենդենտություն, որը իմը չէ»³([2], c. 292): Ըստ Սաբաթի այս ամենը ցույց է տալիս ոչ միայն իմ վերաբերմունքը ուրիշի հանդեպ, այլև ուրիշինը՝ իմ նկատմամբ: Ուրիշի հայացքի միջոցով «ես դառնում եմ գերի այնքանով, որքանով իմ գոյությամբ կախում ունեմ այն ազատությունից, որն իմը չէ, բայց իմ գոյության պայմանն է: Քանի որ ես գնահատականների օբյեկտ եմ, որոնք փորձում են ինձ որոշակիացնել, առանց այն բանի, որ ես կարող եմ այդ որոշումների վրա ազդել, ես գտնվում եմ գերության մեջ»⁴([2], c. 290): Հենց այս պատճառով էլ հերոսների փակումը դոժիքում դառնում է ինքնակամ: Նրանք դուրս չեն գալիս սենյակից, քանի որ կապված եմ միմյ-

անց, չնայած որ այդ փոխկապակցվածությունը նրանց մեծ ցավ է պատճառում, գրկում է ազատությունից, բայց նաև պայմանավորում է նրանց գոյությունը:

Այսպիսով, ըստ Սարտրի փոխոփայական հայացքների, գոյությունը ուրիշի համար անընդհատ ապացույցն է իմ մարդկային իրականության, ուրիշի ազատությունը իմ գոյության հիմքն է: Բայց հենց նրա համար, որ ես գոյություն ունեմ ուրիշի ազատության միջոցով, ես չունեմ ոչ մի պաշտպանություն, ես վտանգի մեջ եմ այդ ազատության մեջ, այն ձևավորում է իմ գոյությունը և ինձ գոյ է դարձնում, այն տալիս և խլում է ինձանից արժեքներ և պատճառ է դառնում իմ գոյության անընդհատ պասսիվ հեռացմանը ինքն իր մեջ:

Մեր փոխադարձ պահանջը մեկը մյուսի պահանջում է նաև միասնականություն և մեկուսացածության պահպանում: Համատեղման իդեալը Աստված է, իսկ մարդը լիակատար չէ և «անօգուտ կիրք» է: Հայտնաբերելով *ես-ուրիշը* հարաբերության և ուրիշի կողմից տեսնվելու կառուցվածքային կապը Սարտրը մշակում է հայացքի ֆենոմենը: Քանի որ ուրիշը, ինչպես և ես, ազատություն է, ես աշխարհում հայտնվում եմ վտանգի մեջ: Ըստ Սարտրի *ես-ուրիշը* փոխհարաբերությունը երկու ազատությունների կոնֆլիկտ է: Դրամատիզմը և միաժամանակ ամբողջական գոյության հնարավորությունը գիտակցությունների միջև հարաբերություններում կապակցվում են Սարտրի կողմից դրանց փոխադարձ ընդունման պրոբլեմով (եւ ընդունում եմ և ես ցանկանում եմ, որ ուրիշները տան ինձ գոյություն, որը ես ընդունում եմ): Ըստ էության ստեղծագործության հերոսներից յուրաքանչյուրն էլ ուներ փրկվելու հնարավորություն, սակայն մարդկային նախանձը, անհամաձայնությունն ու եսասիրությունը նրանց դա թույլ չեն տալիս: Օրինակ՝ Գարսենը խնդրում է հավատալ իր քաջ լինելու հնարավորությանը. դա նրան կփրկեր: Սա նշանակում է, որ նա ցանկանում է, որ ուրիշը ճանաչի ոչ թե իր իսկական գոյությունը, այլ այն գոյությունը, որն իրեն անհրաժեշտ է, որը նա ընդունում է: Սակայն էստելը միայն ձևացնում է, որ հավատում է նրան, քանի դեռ դա իրեն հարկավոր է, իսկ Ինեսը կարողանում է ճանաչել նրա բուն էությունը և իրենց փոխհարաբերությունների իրական արժեքը. «Դա հիմք մեզանից յուրաքանչյուրն է մնացած երկուսի համար»⁶([1], էջ 379): Նրանք չեն կարող միմյանց համար դրախտ ստեղծել, սակայն կարող են ինքնակամ ընտրել իրենց դժոխքը:

Ինչպես տեսնում ենք, Սարտրի կարծիքով իմ և ուրիշի փոխհարաբերությունը պետք է լինի ոչ միայն գիտակցության հարաբերությունը գիտակցությանը, այլև գոյությանը գոյությանը: Իմ գոյությունը պետք է կապված լինի ուրիշի գոյությանը: Ի վերջո, ստեղծագործության հերոսները

հասկանում են, որ իրենցից յուրաքանչյուրը մյուսի կարիքն ունի իր գոյությունը հաստատելու համար, նրանք հասկանում են իրենց կախվածությունը ուրիշի հայացքից, որտեղ նրանք օբյեկտիվանում են և դրանով իսկ հնարավորություն են ստանում իրենց մասին դատելու: Դժոխքում հայտնված այս երեք մարդիկ ոչինչ չունեն շփումից բացի: Բայց այն վերածվում է իսկական փորձության: Ի վերջո, պարզվում է, որ այդ մարդկանց փակումը ինքնակամ է, նրանք ցանկացած ժամանակ կարող են դուրս գալ իրենց *բանտից*, բայց նախընտրում են մնալ այնտեղ: Այս ամենից հետո Գարսենը հետևություն է անում. «Ցցերի կարիք չկա, դժոխքը դա Մյուսներն են»⁶([1], էջ 407):

Այսպիսով, այս հոդվածում մենք փորձել ենք ցույց տալ ուրիշի խնդրի վերաբերյալ Ժան Պոլ Սարտրի կատարած դիտարկումները «Դոնփակ» պիեսում՝ գուցահեռ տանելով մինևույն խնդրի վերաբերյալ հեղինակային մոտեցումների հետ, որ արտացոլվել են «Գոյություն և ոչինչ» գրքում:

Գրականություն

1. Սարտր Ժան-Պոլ, Թատերգություն, Ե., 1986թ.:
2. Киссель М. А., Философская эволюция Ж.П. Сартра, М., 1976г.
3. Кузнецов В.Н., Ж.-П. Сартр и экзистенциализм, М., 1969г.
4. Сартр Ж.-П., Бытие и ничто, М., 2000г.
5. Филиппов Л.И., Философская антропология Ж.П. Сартра, М., 1977г.